

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA TANO

KIKAO CHA AROBAINI NA MOJA

3 JUNI, 2019



ORODHA YA SHUGHULI ZA LEO

MKUTANO WA KUMI NA TANO

KIKAO CHA AROBAINI NA MOJA – TAREHE 3 JUNI, 2019

I. DUA:

II. HATI ZA KUWASILISHA MEZANI:

WAZIRI WA FEDHA NA MIPANGO:

Hotuba ya Makadirio ya Mapato na Matumizi ya Wizara ya Fedha na Mipango kwa Mwaka wa Fedha 2019/2020.

MWENYEKITI WA KAMATI YA BAJETI:

Taarifa ya Kamati ya Bajeti kuhusu utekelezaji wa majukumu ya Wizara ya Fedha na Mipango kwa Mwaka wa Fedha 2018/2019 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2019/2020.

MSEMAJI MKUU WA KAMBI RASMI YA UPINZANI BUNGENI KUHUSU WIZARA YA FEDHA NA MIPANGO:

Taarifa ya Msemaji Mkuu wa Kambi Rasmi ya Upinzani Bungeni juu ya Makadirio ya Mapato na Matumizi ya Wizara ya Fedha na Mipango kwa Mwaka wa Fedha 2019/2020.

III. MASWALI:

OFISI YA RAIS (TAMISEMI):

338. MHESHIMIWA MARTIN ALEXANDER MSUHA (MBINGA VIJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Uhaba wa Walimu wa Hisabati na Sayansi umeathiri sana matokeo ya Darasa la Saba mwaka 2017 Wilayani Mbinga:-

Je, Serikali ina mpango gani wa kupeleka Walimu wa masomo hayo Wilayani Mbinga.

**339. MHESHIMIWA FELISTER ALOYCE BURA
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Mkoa wa Dodoma una mahitaji ya Walimu 11676 kwa uwiano wa 1:40 kwa Shule za Msingi, kwa sasa Walimu waliopo ni 7382 hivyo kuwa na upungufu wa Walimu 4410 sawa na asilimia 38:-

Je, ni lini Serikali itaajiri na kuleta Walimu wa kutosha Mkoani Dodoma.

WIZARA YA ELIMU, SAYANSI NA TEKNOLOJIA:

**340. MHESHIMIWA MOHAMED OMARY
MCHENGERWA (RUFJI):**

Atamuuliza Mheshimiwa Waziri wa Elimu, Sayansi na Teknolojia:- Serikali imerejesho Vyuo vilivyokuwa vya maendeleo kuwa chini ya Wizara ya Elimu, Sayansi na Teknolojia. Kwa kuwa mwamko wa elimu upo chini katika Wilaya ya Rufiji:-

Je, Serikali haioni umuhimu wa kukibadili Chuo cha Maendeleo Ikwiriri FDC kuwa VETA ili kubadili fikra za Wananchi wa Rufiji, Kibiti na Ikwiriri na hatimaye kuleta mwamko wa elimu.

WIZARA YA MAJI:

341. MHESHIMIWA ESTER AMOS BULAYA (BUNDA MJINI):

Atamuuliza Mheshimiwa Waziri wa Maji:- Jimbo la Bunda Mjini ni miongoni mwa Majimbo yanayokabiliwa na changamoto kubwa ya upatikanaji wa maji safi na salama:-

- (a) Je, Serikali ina mpango gani wa kuhakikisha maeneo yote yanayopitiwa na mradi mkubwa wa maji – Nyabehu hasa Vijiji vya Nyabehu, Guta, Kinyambwiga, Tairo na Nyatare yananufaika na mradi huo;
- (b) Kwa kuzingatia kwamba siyo kila Mwananchi atakuwa na uwezo wa kuvuta maji nyumbani kwake kutokana na ukubwa wa gharama katika utekelezaji wa mradi tajwa hapo juu; Je, Serikali inatarajia kujenga vituo vingapi vya maji;
- (c) Je, ni lini Serikali itatekeleza ahadi yake ya usambazaji wa mabomba awamu ya pili katika Kata za Manyamanyama, Nyasura, Kabalimu, Bundastoo, Nyamakokoto, Balili na Bunda Mjini.

**WIZARA YA UJENZI, UCHUKUZI NA
MAWASILIANO:**

**342. MHESHIMIWA EZEKIEL MAGOLYO MAIGE
(MSALALA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Ilani ya CCM 2015-2020 imeielekeza Serikali ya CCM kujenga upya Reli ya Kati kwa kiwango cha ‘*Standard Gauge*’ na Mhe. Rais tayari ameshapata fedha za mkopo kutoka Serikali ya China kwa ajili ya kutekeleza mradi huo:-

- (a) Je, utekelezaji wa ahadi hiyo ya CCM na Mhe. Rais Magufuli kwa mradi huu umefikia hatua gani;
- (b) Kwa kuwa Isaka ni eneo la makutano ya Reli ya Tabora – Mwanza na Reli mpya (itakayojengwa) kati ya Isaka hadi Keza (Ngara) na hatimaye Kigali – Rwanda; Je, Serikali iko tayari kuifanya Isaka kuwa ndiyo karakana kuu ya ujenzi na baadaye ukarabati wa Reli hiyo;
- (c) Je, Serikali imejipangaje kuwasaidia Wananchi waishio jirani na mradi huo ili wanufaike kiuchumi wakati wa ujenzi huo.

**343. MHESHIMIWA ZAYNAB MATITU VULU
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali inajenga reli ya *Standard Gauge* na itapita baadhi ya maeneo ya Mkoa wa Pwani:-

Je, Serikali imeweka mkakati gani wa kuboresha vituo vya zamani na hasa vituo vidogo vidogo ili kuimarisha njia ya usafiri na vituo hivyo vidogo vidogo ni vipi.

WIZARA YA KILIMO:

**344. MHESHIMIWA EDWIN AMANDUS NGONYANI
(NAMTUMBO):**

Atamuuliza Mheshimiwa Waziri wa Kilimo:- Mkoa wa Ruvuma umepata mnunuzi wa Tumbaku ambaye amekubali kuwawezesha SONAMCU kufufua Kiwanda cha kuchambua Tumbaku na kugeuza *green leaf* kuwa *dry leaf*. Aidha, kutokana na changamoto za kodi na soko, mnunuzi huyo hajaweza kutekeleza azma yake:-

Je, Serikali inasaidiaje kutatua changamoto zinazomkabili mnunuzi huyo.

IV. HOJA ZA SERIKALI:

WAZIRI WA FEDHA NA MIPANGO:

Kwamba, Bunge sasa likubali kupitisha Makadirio ya Mapato na Matumizi ya Wizara ya Fedha na Mipango kwa Mwaka wa Fedha 2019/2020.

DODOMA
3 JUNI, 2019

S. KAGAIGAI
KATIBU WA BUNGE

